

秘傳證治要訣卷六

太醫院使戴元禮

述

漆園世人陳

岐

校刻

念西居士王肯堂重校刻

諸嗽門

嗽證

古人云臟腑皆有咳嗽咳嗽屬肺何為臟腑亦皆有之
蓋咳嗽為病有自外而入者有自內而發者風寒暑濕
外也七情飢飽內也風寒暑濕先自皮毛而入皮毛者
肺之合故雖外邪欲傳臟腑亦必先從其合而為嗽此

自外而入者也。七情飢飽，內有所傷，則邪氣上逆，肺為氣出入之道，故五臟之邪上蒸於肺，而為嗽。此自內而發者也。然風寒暑濕，有不為嗽者，蓋所感者重，徑傷臟腑，不留於皮毛。七情亦有為嗽者，蓋病尚淺，止在本臟，未即上攻，所以傷寒以有嗽為輕，而七情飢飽之嗽，久而後見。凡諸嗽未審內外所感，並宜二陳湯加杏仁、五味、人參各半錢，飲水一二口而暫止者，熱嗽也。呷熱湯而暫停者，冷嗽也。治熱嗽以小柴胡湯加五味、冷嗽以理中湯加五味，皆已試之驗。此出醫餘。諸嗽皆可佐以應夢、觀音散，而加喘者，以此於食前吞下養正丹。

壅嗽聲重痰稠或咳有血以薄荷生胡麻各一撮細嚙
煎蘇子降氣湯送下感風而嗽者惡風有汗或身體
發熱或鼻流清涕桂枝湯加入參杏仁五味子各半錢
風嗽多汗體虛而又不勝熱藥者橘蘇散感寒而
嗽者惡寒無汗或身體發熱或鼻流清涕宜杏子湯
若風寒俱感而嗽者或惡風無汗或惡寒有汗頭痛
身疼鼻塞重眼涕痰稠粘者小青龍湯以上三藥傷寒
太陽經有嗽者皆可用感暑而嗽者自汗煩渴或帶
寒面垢六和湯加五味子壹錢感濕而嗽者身體痛
重或有汗或小便不利此多乘熱入水或冒雨露或浴

後不解濕衣致有此患宜白朮湯熱嗽咽喉乾痛鼻
出熱氣其痰嗽而難出色黃且濃或帶血縷或出血腥
臭或堅如蠟肉不若風寒之嗽痰清而白宜金沸草散
仍以辰砂化痰圓或薄荷煎八風丹含化熱嗽於金沸
草散中加五味杏仁茯苓足成十品入棗子一箇同煎
功效尤勝名旋覆湯有熱嗽諸藥不効竹葉石膏湯
去竹葉入粳米少加知母多加五味杏仁此必審是伏
熱在上焦心肺間者可用有熱嗽失聲咽疼多進冷
劑而聲愈不出者宜以生薑汁調消風散少少進之或
只一味薑汁亦得冷熱嗽後失聲者尤宜嗽而失聲者

非獨熱嗽有之空審其證用藥佐以檳欖圓含化仍濃煎獨味枇杷葉散熱服冷熱嗽因增減衣裳寒熱俱感遇乍寒亦嗽乍熱亦嗽飲熱亦嗽飲冷亦嗽宜金沸草散消風散各一貼和前或應夢人參散或欵冬花散二母散仍以辰砂化痰圓八風丹或四和圓含化七情飢飽嗽無非傷動臟腑正氣致邪上逆結成痰涎肺道不理宜順氣為先四七湯半貼加桑白皮杏仁五味子人參阿膠各半錢有嗽吐痰與食俱出者此蓋飲食失節致肝氣不利而肺又有客邪肝濁道肺清道清濁相干宜二陳湯加木香杏仁細辛枳殼各半錢有飲

冷熱酒或飲冷水傷肺致嗽俗謂之湊肺宜紫苑飲
勞嗽有因久嗽成勞者有因病勞久嗽者其證寒熱往
來或獨熱無寒咽乾嗌痛精神疲極所嗽之痰或濃或
膿或時有血腥臭異常語聲不出者補肺湯半貼加杏
仁貝母款冬花阿膠百合各半錢煎去滓調鍾乳粉咽
痛者更加桔梗半錢熱甚者更加秦艽半錢嘔者去地
黃加半夏如其數氣急者加靈砂丹或三炒丹經年
累月久嗽不已服藥不瘥餘無他證却與勞嗽不同宜
三拗湯仍佐以青金丹脾胃如常飲食不妨者加味
人參清肺湯參粟湯有暴嗽服諸藥不効者或教之

進生料鹿茸丸大兎絲子丸方愈此乃腎虛所致有本
有標却不可以其暴嗽而疑慮補之非然所以易愈者
亦覺之早故也 嗽而有血見諸血門嗽血證 時行
嗽發熱惡寒頭痛鼻塞氣急狀如傷冷熱連咳不已初
得病即伏枕一兩日即輕記壬午秋滿城有此病繼時
甲午年夏秋之交此病又自南而北得免者少並呼為
蝦蟇瘟用參蘇飲加細辛半錢

哮喘

喘氣之病哮喘如木雞之聲牽引胸背氣不得息坐卧
不安此謂嗽而氣喘或宿有此根如遇寒暄則發一時

暴感並於前嗽藥中加桑白皮則續加仍吞養正丹間
進青金丹風寒喘嗽宜九寶湯若乾喘不嗽不分久遠
近發宜蘇子降氣湯或神祕湯吞養正丹重則四磨飲
或六磨飲吞靈砂丹或應夢觀音散吞養正丹尤宜
喘而服藥不効者利導之宜神保丸大使已溏者不可
用不嗽而氣自急有二證須用分別有外邪迫肺而
氣急者病初得氣不即急必兼外證此謂之喘若用耗
氣除邪之藥則元氣愈脫而氣愈上奔矣宜於虛損門
氣急痰證求之氣急而膈間更有刺痛處宜分氣飲治
嗽與喘用五味為多但五味有南有北生津止渴潤肺

益腎治勞嗽者宜用北五味若風邪在肝宜用南五味
不若二者兼用

嘔吐

附惡心

嘔與吐之辨已於傷寒論之然證亦不一有寒嘔有熱嘔
氣嘔痰吐食嘔吐血吐虵有惡心乾嘔除熱嘔吐血外
近世嘔吐二字皆通用然却無甚利害理亦自不妨並
小半夏茯苓湯或二陳湯或理中湯多加生薑煎生薑
嘔家之聖藥大痛色如青紫者死寒嘔中脘停寒
飲食喜辛熱物入口即吐出宜二陳湯加丁香拾粒或
理中湯加枳實半錢不効則溫中湯甚則附子理中湯

或丁附湯並須冷服蓋冷遇冷則相入庶不吐出有
痰飲粥藥到咽即吐人皆謂其審胃非也此乃痰氣結
在咽膈之間宜先以薑蘇湯下靈砂丹俟藥可進則以
順氣之藥繼之
外有吐瀉及痢疾或腹冷痛進熱劑
太驟以致嘔逆宜二陳湯加砂仁白豆蔻各半錢甚則
入沉香少許
寒熱氣食痰血六嘔外有漏氣走哺漏
氣者上焦熱食必先吐而後下汗出身背皆熱走哺者
下焦熱氣逆不續大小便不通嘔吐不禁
熱嘔見諸
傷門傷寒嘔吐證凡進熱藥愈增者當於寒嘔中求熱
嘔宜二陳湯加黃連壹錢氣嘔胸滿膈脹關格不通不

食常飽食則常氣逆而吐此因盛怒中飲食而然宜二
陳湯加枳實木香各半錢或吳茱萸湯不効則丁沉透
膈湯及五膈寬中湯食嘔多因七情而得有外感邪
氣併飲食不節而生太緊治以理中為先二陳湯加枳
實壹錢或加南星柒分沉香木香各四分亦好或只服
枳南湯或導痰湯又有中脘伏痰遇冷即發俗謂之冷
癰或服新法半夏湯或過脾湯外有熱痰而嘔者宜小半
夏茯苓湯加竹茹如錢大若嘔痰而或致厥者乃寒痰
迷悶謂之痰厥宜薑附湯以生附代熟附吐蛇乃胃
寒所生經云蛇者長蟲也胃中冷則吐蛇成蛇厥宜

理中湯加炒川椒五粒檳榔半錢吞烏梅圓惡心乾
嘔欲吐不吐心下映漾人如畏船宜大半夏湯或小半
夏茯苓湯或理中湯治中湯皆可用嘔吐諸藥不効
當借鎮重之藥以墜其逆氣宜薑蘇湯下靈砂丹須百
粒作一服俟藥得効却以養正丹半硫圓導之嘔吐津
液既去其口必渴不可因渴而遽以為熱又有嘔吐
諸藥不効又別無前項痰氣等證乃蛇在胸膈作嘔見
藥則動動則不納藥藥出而蛇不出雖非吐蛇之比亦
宜用吐蛇藥或於治嘔藥中入炒川椒拾粒蛇見椒則
頭伏故也曾有患人用附子理中湯四逆湯加丁香

到口即吐後去乾薑只參附加丁木二香煎熟更磨入沉香藥立吐定蓋虛寒痰氣凝結丁附既溫佐以沉香則通乾薑白朮則泥耳

吐血

見諸血門

停飲伏痰

飲凡有六懸溢支痰留伏痰飲特六飲之一耳人病此而止曰痰飲者蓋停既以未有不為痰多因氣道閉塞津液不通譬如溝渠壅遏積淹停滯則倒流逆上痰濁臭穢無所不有若不疎決溝渠而欲澄治已壅之水而使之清無是理也凡為喘為咳為嘔為泄為眩為暈

心嘈怔忡驚悸為寒熱痛腫為痞膈為壅閉或胸脇間
輾輾有聲或背心一片常如冰冷皆痰飲所致此即如
水之壅有淤濁臭穢故善治痰者不治痰而治氣氣順
則一身之津液亦隨氣而順矣並宜蘇子降氣湯導痰
湯各半貼和煎或小半夏茯苓湯加枳實木香各半錢
吞五套圓或以五套圓料依分兩作飲子煎服尤好平
居皆無他事只有痰數口或清或堅宜二陳湯小半夏
茯苓湯痰多間進青州白圓子和來復丹服名來白圓
如和以八神來復丹即名青神圓此非特治痰飲尤甚
療喘嗽嘔吐逆翻胃若服藥未効者二生湯加木香

半錢若頑涎隨氣逆上不為藥解當自下部利之宜五
隔寬中散加半夏半錢吞破飲圓仍佐以半硫圓恐大
便復秘飲利不盡半硫圓當常服若大便先不因藥自
利及老人虛人當利其小便宜小半夏茯苓湯改用赤
苓而倍用之或導痰湯加猪苓半錢痰飲眩暈及成
飲厥者宜別加木香二生湯吞青州白丸子和靈砂丹
名青靈丹或吞養正丹半硫圓痰飲流入四肢令人
肩背痠疼兩手軟痺醫誤以為風則非其治宜導痰湯
加木香薑黃各半錢病痰飲而變生諸證不當為諸
證牽掣妄言作名且以治飲為先飲消則諸證自愈有

卒然昏悶口眼喎斜似中而實非中四肢戰曳身如浮雲似虛而實非虛皆痰飲所為也又有腎虛寒不能攝水致邪水溢上故作痰飲宜八味圓

翻胃

翻胃之病所以重於嘔吐者嘔吐食入即吐翻胃則或一日半日食復翻上不化如故腹中非不欲食不肯留胃氣不溫不能消食食既不消不為糟粕而入大腸必隨氣逆上從口而出故翻胃人胸膈多為冷氣所痞二陳湯加丁香柿粒枳殼半錢或治中湯加枳殼砂仁各半錢半夏壹錢入米與生薑同煎若胃寒甚服藥而